

սանք մի քարայրի դռան, որ ներկված էր դժգոյն դեղնի և կարմրի խառնուրթներով: Այրի դռան շինված էր մի փոքրիկ խղիկ, այստեղ կենում էր այրի պաշապանը, որ մի առոյգ ծերունի էր: Գիւղը բաղկանում էր վաթսուն տնից, որոնք իւրեանց ոչխարներով, տաւարներով, ընտանիքով տեղաւորուած էին այրի մէջ:

Նրբ մտանք այրի մէջ միտս ընկաւ Վերգիլիոսի նկարագրած տարտարոսը:

Քարայրի ներսը սեպցած էր ծխից. նորա աջ և ձախ անթիւ խոռոչներից, ուր տեղաւորուած էին ընտանիքների, տաւարների, ոչխարների, սատանայի նման դուրս էին գալիս նորա բնակիչները, որոնց գոյնը դժգոյն դեղնութեամբ ներկվել էր ծխից: Սա առաջնորդիս յայտնեցի, որ ցանկանում էի այրի բոլոր խորերը պատել: Նա իմ ցանկութիւնս հաղորդեց պաշապանին, որ մեզ ընկերացել էր. բայց նա յայտնեց որ այդ բոլորովին անկարելի է. նորա համար, որ մենք քարայրի անթիւ բաժանմունքներում անտարակոյս կ'մոլորվէինք և թերևս այստեղից չ'կարողանայինք բոլորովին դուրս գալ. բացի այդ, շարունակեց նա, ճանապարհի վերայ կան այնպիսի լայն վիջեր, որոնք իջնում են երկրի խորը և լիքն են ջրով, դրանք կամրջելու համար հարկաւոր էին փայտեր և տախտակներ, որոնք այնտեղ չկային:

“Բայց դուք չ'զգիտէք, թէ այրը ինչքան է ձրգ-